



UNIVERSITÄTS-
BIBLIOTHEK
PADERBORN

Universitätsbibliothek Paderborn

Der Hutterischen Widertaufer Taubenkobel

Fischer, Christoph Andreas

Jngolstatt, 1607

Ob alle vnserer Werck Sünden seyn?

urn:nbn:de:hbz:466:1-32901

denn dadurch wirdt Gott seine Ehre entzogen. **Re-**
chenschaft / fol. 34.a.

Disen Wust haben verzetzet Vigilantius, Petro-
busiani, Pseudo Apostolici, wie Hieronymus aduer-
sus Vigilantium, Cluniacensis contra Heinricianos
vnd Bernardus in cantica serm. 66. anzeigen / wel-
chen die Widertauffer bald haben auffgeraffet / vnd
den in ihre Schrifften vnd Bücher als ein fürnemes
Heylichumb eingeleibet.

Aber was wil man lang sagen. Kott ist halt Kott/
vnd nichts mehr / welchen auch für solchen S. Ambro-
sius lib. de viduis, Bernard. in cantica serm. 66. Theo-
phylact. in cap. 11. Pauli haben erkennen / vnd darum
auch außgekehret vnd verworffen / sonderlich weil wir
in heyliger Schrifft finden / daß wir vns sollen wen-
den zu den Heyligen / vnd daß die Heyligen gleich wie
Onias der hohe Priester / vnd Hieremias / die schon
lengst waren gestorben / für das Jüdische Volck ha-
ben gebetten / auch für vns bitten.

Iob. 5.

2. Machab.
14. j

Was die Widertauffer von den
guten Wercken halten.

Titulus
X

Ob alle vnser Werck Sünden
seyn?
Ja.

Wir wissen daß alle vnser Werck so viel
als sie vnser seyn / nichts dann lauter Sünden
vnd vnrecht seyn. **Rechenschaft** / fol. 34.a.
Mit

Wie diesem Unflac ist auch Lutherus in assert. artic. 31. 32. 36. vmbgangen / ja er hat ihn auch gar außgebreitet / bestättiget vnd beschützet.

Exod. 1.

Zzech. 19.

Doch hat disen gänglich Roffensis in art. 31. contra Lutherum auß der Zahl der reinen articel in der Catholischen Kirchen außgemustert. Vnd nicht ohn vrsach. Denn wir wissen daß die Egyptischen Hebräer / ob sie schon kein erkantnuß des wahren Gottes haben gehabt / dennoch haben recht gethan / daß sie nicht / wie ihnen befohlen / der Juden Kinder haben getödet / ja Gott hat ihnen solches widerumb vergolten / vnd Häuser gebawet. Item lesen wir / wie das Götze dem König Nabuchodonosor / ob er schon vnglaublich gewesen / alles widerumb habe vergolten / weil er wider Tyrum hat gestritten. Seyn nunder vnglaublichen Werck nicht allezeit Sünden / sondern gut / wie auß diesen Exempeln zwischen / wie können dann der Christen vnd gläubigen Werck allezeit Sünden seyn vnd vnrecht?

Ob die guten Werck auch ewiglich belohnet werden?

Nein.

Es ist wahr / daß alle die / so den Gläubigen vnd Frommen dienen vnd guts thun / daß ihnen Gott auch hiezeitlich belohnet / aber daß jemandt solte dardurch die Seligkeit erlangen / vnd dort auch ewiglich belohnet werden / da sagen wir nein zu. Anschlag vnd Fürwenden der Welt / 2c. fol. 128.

Disen Kott nehmen die Lutheraner gar inn ihren Mund / vnd schreyen täglich mit heller Scimme / wie auß